



Inatsisartuni ilaasortaq, Jens Danielsen, Siumut

Uunga nassiussaq: inatsisartut@inatsisartut.gl

Illoqarfinni minnerni nunaqarfinnilu Grønlandsbank-imut kiliuteqartarneq pillugu § 37 naapertorlugu apeqqutigineqartunut akissutit

18-09-2018
Sagsnr.2018-18427

Inatsisartut Suleriaasianni § 37 naapertorlugu illoqarfinni minnerusuni nunaqarfinnilu GrønlandsBANK-ip sullissinerminut akiliutigitsittagai pillugit Naalakkersuisunut apeqquteqarsimavutit. Apeqqutitit ataani nassaarineqarsinnaasunik uannit akissuteqarfigisassanngorlugit nassiunneqarsimapput.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Apeqqut 1:

Illoqarfiit ilaanni nunaqarfinnilu oorinik tigusiniaraanni tamatigut 20.00 kr.-neertoqartarpoq kiisalu kontomut ikisiniaraanni 40,00 kr.-neertoqartarluni taamaalilluni qaammatip ingerlanerani aningaasartuutit annertuupilussuannngortarput. arlaatigut aaqqiissutissamik pilersaaruteqartoqarnerluni?

Akissut:

Naalakkersuisut kiffartuussinermut isumaqatigiissuteqarput aningaaseriveqarnermi sullissinissat pingaernerit suliarineqartarneri pillugit illoqarfinni minnerni aamma nunaqarfinni, Grønlandsbank-imut aamma KNI-mut, qularnaarumallugu sumiiffinni innuttaasut aningaaseriveqarnikkut pisariaqartunik sullinneqartarnissaat. Aningaaseriveqarnikkut sullissineq pitsanngorsagaq periarfissaasinnaavoq kiffartuussinermut isumaqatigiissummik nutaamik suliaqarnissami sammissallugu; kisiannili kiffartuussineq pitsaanerulersinneqassappat soorunami tamatumani tungaviussaaq aningaasaliissutaasartut annertunerulersinneqarneri, Inatsisartut nalinginnaasumik aningaasartuutissanik aningaasanut inatsimmut atatillugu tullerriiaarisarneranni ilanngunneqartariaqartussamik.

Apeqqut 2:

Naalakkersuisut inoqarfinni tamani aamma soorunami isorliunerusuni nunaqarfinnilu assigiinnngitsutigut atukkat assigiinnerulernissaannut suliaqarnissamik pilersaaruteqarpat?

Akissut:

Naalakkersuisut assut pingaartippaat qularnaassallugu nunatsinni sumiiffinni sumiittuniluunniit inuuniarnermi atugassarititaasut pitsaasuunissaat. Ilaatigut

ungasinngitsukkut innaallagissap aamma erngup akiisigut aaqqissuusseqqinneq suliarineqarpoq, nunaqarfinni aamma isorliunerusuni akigititasigut malunnaatilimmik annikillisitsinernik kinguneqartumik. Assersuutigalugulu akiusut annikinnerulersinneqarnerisa kingunerisaannik ukiumut ilaqutariinni nalinginnaasuni, inersimasunik marlunnik aamma meeqqanik marlunnik innuttaqartuni 8.000 kr.-it missaat angullugit sipaaruteqarnermik kinguneqarput nutaamik aaqqissuusseqqinnerit.

Kiisalu Naalakkersuisut aamma arlalinnik allanik kiffartuussinissamut isumaqatigiissuteqarput nunaqarfinni aamma isorliunerusuni inuuniarnerup tapersorsorneqarnissaanik siunertaqartunik.

Apeqqu 3:

Naalakkersuisut qanoq annertutigisumik Grønlandsbank-imut akuliussinnaatigippat?

Akissut:

Naalakkersuisut Grønlandsbank-imut peqqusisinnaanermik pisinnaatitaanngillat, aningaaserivik ingerlatseqatigiiffiummat.

Naalakkersuisut kiffartuussinermut isumaqatigiissuteqarnikkut aningaaseriveqarnikkut pisariaqartut atugassarititaasut pingaarnerit illoqarfinni minnerusuni aamma nunaqarfinni aaqqissuusinnaavaat, isumaqatigiissuteqarnikkullu piumasqaarsinnaallutik aningaaseriveqarnikkut ingerlatsinissamik, kiffartuussinerrullu tamatuma pitsaassusissaanik piumasqaateqarsinnaallutik kiffartuussinermut isumaqatigiissummut akiliuteqarnikkut.

Inussiarnersumik inuulluaqqusillunga



Aqqalu Jerimiassen